



IROMAG

Odlazni studenti



by IROUNMO

U OVOM BROJU

**INTERNACIONALNI DAN
SPORAZUM O SARADNJI
KONFERENCIJA**

ZELENI DAN

LANA PUDAR

Djeca su budućnost jedne zemlje, a mladi su okosnica nacije. Oni su najjači adut kompanije u svim poljima, uključujući obrazovanje, odbranu, poslovanje i još mnogo toga.

Dan se slavi kako bi se pružile prilike da se proslave glas, akcije i inicijative mladih ljudi širom svijeta. Svjetska konferencija ministara odgovornih za mlade u Lisabonu, 1998. godine, preporučila je da se 12. avgust proglasi Međunarodnim danom mladih. Prvi dan obilježen je 1999. godine. Ovaj dan je važan jer skreće pažnju na pitanja mladih i slavi potencijal mladih kao partnera u današnjem društvu.

INTERNACIONALNI DAN NA UNMO

By IROUNMO

U amfiteatru Mašinskog fakulteta u petak 07.07.2023. je održan Dan međunarodne saradnje na Univerzitetu „Džemal Bijedić“ u Mostaru, događaj koji već šestu godinu za redom organizuje Kancelarija za međunarodnu saradnju s ciljem promocije Erasmus+ i postignuća Univerziteta u polju mobilnosti studenata i osoblja.



International Relations Office

INTERNATIONAL DAY AT UNMO

- Amphitheater at the Faculty of Mechanical Engineering
- Friday, July 7, 2023, from 10:00 to 12:00

International@unmo.ba www.iro.unmo.ba



Dan međunarodne saradnje je obraćanjem otvorio prorektor za međunarodnu saradnju, prof. dr. Rijad Novaković. Prilikom obraćanja istakao je važnost međunarodne saradnje za Univerzitet, značaj mobilnosti za studente i osoblje i određenost Univerziteta da se uključi u procese internacionalizacije.

Međunarodna dimenzija događaja je naglašena prisustvom predstavnika 24 univerziteta iz Evropske unije i Republike Turske.

Kancelarija za međunarodnu saradnju Univerziteta „Džemal Bijedić“ je organizator Dana međunarodne saradnje zajedno sa Uredom za međunarodne odnose Univerziteta u Sarajevu.

By IROUNMO



Nakon prezentacije rada Kancelarije za međunarodnu saradnju, prisutnim u amfiteatru Mašinskog fakulteta se obratio Ilhan Ibrahimkadić, student Fakulteta informacijskih tehnologija i Anesa Džihović student Odsjeka za engleski jezik i književnost Fakulteta humanističkih nauka koji su govorili o svom iskustvu studenata na mobilnosti i zašto se po njihovom mišljenju studenti trebaju odlučiti za mobilnost. Rad Unije Studenata je predstavio Anes Beganović, student Pravnog fakulteta. Projekt 'Neću na BIRO' predstavili su Ana Krulj i Azra Kozo, studenti Ekonomskog fakulteta dok je projekat 'Ministry of Marketing' predstavio Anes Mušić, student Fakulteta informacijskih tehnologija. Projekat 'Pametno ogledalo' predstavio je Mimea tim: Haris Gušić, Vedad Traljo, Lana Mustafić i Selma Memić, studenti Fakulteta informacijskih tehnologija. Mime tima su finalisti Microsoft Imagine Cup takmičenja za studente 2023.

SPORAZUM O SARADNJI IZMEĐU UNIVERZITETA "DŽEMAL BIJEDIĆ" U MOSTARU I MEĐUNARODNOG AERODROMA MOSTAR

By IROUNMO

Studenti, nastavno i nenastavno osoblje Univerziteta "Džemal Bijedić" u Mostaru od danas će moći kupiti karte za avionsku liniju Mostar-Zagreb-Mostar uz popust od 15% što je rezultat potpisivanja Sporazuma o saradnji između Univerziteta "Džemal Bijedić" u Mostaru i Međunarodnog aerodroma Mostar.

Sporazum je u ime Univerziteta potpisala rektorica prof. dr. Alena Huseinbegović, te u ime Međunarodnog aerodroma Mostar v.d. direktor Marko Đuzel i izvršni direktor Ibrica Berberović.



Inicijativu za pokretanje saradnje i potpisivanje sporazuma pokrenuli su studenti Univerzitetskog studija Dizajn interijera Univerziteta "Džemal Bijedić" u Mostaru, Edisa Medar, Nedim Repeša i Omar Nezirić u okviru nastavnog predmeta "Uvod u marketing".

"Drago nam je da smo uspjeli dogovoriti olakšice za sve naše kolege studente i studentice, kao i za naše profesore i administrativno osoblje Univerziteta, te se nadamo da ćemo dati doprinos većem izboru međusobnih posjeta na relaciji Mostar - Zagreb, s obzirom da su navedeni gradovi bogati kulturnim, historijskim i obrazovnim vrijednostima" poručili su studenti.

Inače, pored popusta za studente, nastavno i nenastavno osoblje Univerziteta "Džemal Bijedić" u Mostaru, Sporazum propisuje i realizaciju zajedničkih aktivnosti u narednom periodu, posjetu studenata prostorijama mostarskog aerodroma, kao i međusobne promotivne aktivnosti.

KONFERENCIJA „SAMOEVALUACIJA I AKREDITACIJA STUDIJSKIH PROGRAMA NA UNIVERZITETU „DŽEMAL BIJEDIĆ“ U MOSTARU“

By IROUNMO

Univerzitet „Džemal Bijedić“ u Mostaru organizator je trodnevne konferencije pod nazivom „Samoevaluacija i akreditacija studijskih programa na Univerzitetu „Džemal Bijedić“ u Mostaru“ koja se održava od 19. do 21. jula u hotelu Han na Bjelašnici.

Cilj konferencije jeste informisanje i edukacija učesnika o pedstojećim aktivnostima koje se odnose na proces samoevaluacije i akreditacije studjskih programa na Univerzitetu „Džemal Bijedić“ u Mostaru. Učesnici konferencije su rektorica Univerziteta „Džemal Bijedić“ u Mostaru prof. dr. Alena Huseinbegović zajedno sa menadžmentom Univerziteta, dekani i prodekani fakulteta, voditelji univerzitetskih studija, te predstavnici zainteresovanih strana u procesu akreditacije, odnosno predstavnici nadležnih ministarstava i studenti.

Predavači na konferenciji su bili: **dr. sc. Alena Huseinbegović**, rektorica Univerziteta „Džemal Bijedić“ u Mostaru; **dr. sc. Rašid Hadžović**, **dr. sc. Azra Spago**, **dr. sc. Emir Nezirić**, **dr. sc. Benjamin Muhamedbegović**, **Dalibor Ateljević**, **dr. sc. Jozo Cizmić**; **Alim Abazović**, **dipl. iur.**, **Amila Ciber**, **dipl. iur.**.



Na završetku programa, rektorica Univerziteta prof. dr. Alena Huseinbegović uručila je svim učesnicima certifikate za učešće na konferenciji „Samoevaluacija i akreditacija studijskih programa na Univerzitetu „Džemal Bijedić“ u Mostaru“.

ZELENI DAN

By IROUNMO

Agromediteranski fakultet Univerziteta „Džemal Bijedić“ u Mostaru je u četvrtak, 13.07.2023. godine, na platou Fakulteta organizovao manifestaciju „ZELENI DAN“. Veliki broj posjetilaca, zaljubljenika u biljke je imao priliku da vidi biljni asortiman koji su proizveli studenti Agromediteranskog fakulteta u saradnji sa svojim nastavnicima u sklopu praktične nastave tokom prethodne akademske godine.



Svi posjetioci su, prema vlastitom izboru, dobili sadnice ljekovitog, začinskog i ukrasnog bilja, kao i rasad povrća, a ideja je da se “ZELENI DAN” pretvori u tradicionalni godišnji događaj.

Pored želje da se javnost upozna sa radom studenata ovog Fakulteta, ideja je bila i da se na ovaj način doprinese podizanju svijesti o važnosti vlastite biljne proizvodnje.

U vremenu velikih klimatskih promjena, globalizacije, gubitka plodnog poljoprivrednog zemljišta i prijetnje nestašice hrane, vlastita proizvodnja na balkonima, okućnicama, dvorištima... svakim danom sve više dobija na značaju.



Kolektiv fakulteta poručuje onima koji se odluče na ovakav vid vlastite proizvodnje, da stoje na raspolaganju za uputstva i savjete i zahvaljuju svim posjetiocima što su izdvojili vrijeme i svojim prisustvom dali na značaju ovoj maloj, ali hvale vrijednoj aktivnosti sudenata i kolektiva Agromediteranskog fakulteta.

LANA PUDAR

By IROUNMO

Lana Pudar je ostvarila još jedan značajan trenutak u svojoj započetoj, zadržavši titulu na Evropskom juniorskom prvenstvu u plivanju na 200 metara leptir i pritom postavila novi kontinentalni juniorski rekord.

Sedamnaestogodišnjakinja, koja je trećeg dana osvojila titulu na 100 metara u šampionskom rekordu, obezbedila je svoje drugo zlato Beograda 2023. pobedom za dva minuta i 6,26 sekundi, što je 0,45 sekundi manje od prethodnog vremena.



Čestitamo Lani Pudar, prof.dr. Damiru Djedoviću, prof.dr. Goranu Grahovcu i svim ostalim članovima tima, povodom vanserijskih rezultata na evropskom juniorskom prvenstvu!

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

